

MUNYENTWALI Jean Maurice

Kigali, Kuwa 27/10/2017

KIMIRONKO – GASABO

TEL: 0788 566872

Email : mauritong@yahoo.fr

Kuri Bwana Chairman wa Rwanda Media Commission

Impamvu: Kurega Radio 10 n'umunyamakuru wayo Bagirishya Jean de Dieu (Jado castar)

Bwana Chairman;

Mbandikiye iyi baruwa nshaka gutanga ikirego. Uwo ndega ni Radio 10 nk'igitangazamakuru, nkanarega umunyamakuru wayo Bagirishya Jean de Dieu (Jado castar).

Icyo ndegera ni ugusebanya no gutukana byakozwe n'uwo munyamakuru, akabikorera kuri Radio 10, mu kiganiro cya Sport cyatambutse kuwa Kane tariki ya 26/10/2017 hagati ya saa 10h00 na saa 12h00 za mu gitondo.

Muri Icyo kiganiro, umunyamakuru Jado Castar yakoresheje imvugo nyandagazi asebya ikipe ya Rayon Sport, aho yayigereranyije na "**Roho mbi ibunga yabuze ingurube ijyamo**" Iyi mvugo igize igikorwa cyo gutakana no gusebanya kandi inyuraniye n'amahame ngengamyitwarire agenga abanyamakuru mu Rwanda ndetse gutukana no gusebanya bahanwa n'amategeko.

Iki kirego ngitanze mw'izina ryanje bwite kuko mbyemererwa n'itegeko rigenga itangazamakuru mu Rwanda mu ngingo yaryo ya 21 nkuko nza kubisobanura hasi. Usibye no kuba ntanga iki kirego mu izina ryanje bwite, ibi mbikoze no mu buryo bwo gutanga amakuru kuri Rwanda Media Commission ku makosa y'umwuga yakozwe n'umunyamukuru ishinzwe kureberera kugira ngo imukurikirane dore ko mu nshingano zayo yamerewe no kubikora ibywirije itaregewe.



Ingingo z'amategeko ikirego cyanje gishingiyeho:

Nshingiye ku mahame ngenga myitwarire y'Abanyamakuru bo mu Rwanda nkuko yavuguruwe kandi akemezwa mu ruhame tariki ya 05 Mata 2014, cyane cyane mu ngingo yayo ya 2, igika cya 2 ivuga ko: "Bagomba (abanyamakuru) kumenya ko gusebanya, gutukana no gushinja ibinyoma ari amakosa akomeye mu mwuga w'itangazamakuru";

Nsingiye ku Itegeko Ngenga N° 01/2012/OL ryo kuwa 02/05/2012 rishyiraho igitabo cy'amategeko ahana, cyane cyane mu ngingo yaryo ya 289 ivuga ko "Umuntu wese utukira undi mu ruhame, ahanishwa igifungo kuva ku mezi abiri (2) ariko kitageze ku mezi atandatu (6) n'ihazabu y'amarafanga y'u Rwanda kuva ku bihumbi magana atanu (500.000) kugeza kuri miliyoni eshatu (3.000.000) cyangwa kimwe gusa muri ibyobihano";

Nshingiye na none ku ngingo ya 288 y'Itegeko Ngenga maze kuvuga haruguru ivuga ko "Umuntu wese, ku bw'inabi kandi mu ruhame, witirira undi igikorwa cyeruye gishobora gutesha uwo muntu icyubahiro cyangwa agaciro cyangwa gishobora kumusuzuguza mu ruhame, ahanishwa igifungo kuva ku mezi atandatu (6) kugeza ku mwaka umwe (1) n'ihazabu y'amarafanga y'u Rwanda kuva kuri miliyoni imwe (1.000.000) kugeza kuri miliyoni eshanu (5.000.000) cyangwa kimwe gusa muri ibyobihano";

Nshingiye ku itegeko N°02/2013 ryo kuwa 08/02/2013 rigenga Itangazamakuru, cyane cyane mu ngingo yaryo ya 2, igika cya 1 ivuga ko gusebanya ari uburyo bwo gukoresha amagambo, inyandiko, amashusho, ururimi rw'amarenga cyangwa amafoto bitari ukuri hagamijwe gutesha umuntu agaciro n'icyubahiro;

Nshingiye kandi ku ngingo ya ya 21 y'iryo tegeko rigenga itangazamakuru mu Rwanda ivgako Umuntu wese, amashyirahamwe, inzego za Leta n'imiryango yemewe n'amategeko bifite uburenganzira bwo gusaba gukosora, gusubiza cyangwa kugorora inyandiko cyangwa inkuru yatangajwe mu gitangazamakuru.

Nshingiye kuri izo ngingo zose nagaragaje hejuru ndasaba Rwanda Media Commission ibi bikurikira:

- Kwemeza ko ibyakozwe na Bagirishya Jean de Dieu (Jado castar) ari ugutukana no gusebanya.
- Kumutegeka gusaba umuryango wa Rayon Sport n'abafana bayo imbabazi, akabikora yandika ibaruwa isaba imbabazi kandi iyo baruwa ikanasomwa mu




kiganiro cya sport kuri Radio 10 kandi Rwanda Media Commission igahabwa copie nanje watanze ikirego ngahabwa copie'

- Kumwihanangiriza no kumusaba kubahiriza amahame ngengamyitwarire n'amategeko agenga itangazamakuru mu Rwanda.
- Gutegeka Radio 10 gutanga indishyi y'akababaro ku muryango wa Rayo Sport ingana na 1,000,000 RWF agashyirwa kuri compte ya Rayon Sport kubera ko umunyamakuru wayo yakoze amakosa y'umwuga agakomeretsa abakunzi ba Rayon Sport (moral damages).

Icyitonderwa: Ntabwo ndegera uburenganzira bwo gusubiza, gukosora cyangwa kugorora. Ndabisobanukiwe ko ibyo bisaba ko mbanza kwandikira igitangazamakuru cyatangaje inkuru mbasaba gusubiza cyangwa gukosora. Icyo ndegera ni ugusebanya no gutukana byakozwe n'unmunyamakuru kandi biri mu nshingano za Rwanda Media Commission nkuko bigaraara ku rubuga rwayo ahagira hati: "*The RMC receives complaints related to the Code and examine such complaints to determine the appropriate resolution or sanction under this Procedure for Handling Cases*".

Mugire amahoro



MUNYENTWALI Jean Maurice

Bimeneshejwe:

- Umuyobozi wa Radio 10
- Prezida wa Rayon Sport
- Abahagarariye Fan Club za Rayon Sport (Bose)